

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**KPM KOMITED TINGKATKAN PENGOPERASIAN SISTEM
PENGURUSAN PENTAKSIRAN BERSEPADU**

Kementerian Pendidikan Malaysia (KPM) prihatin mengenai kesukaran yang dihadapi oleh guru-guru berkait dengan penggunaan Sistem Pengurusan Pentaksiran Bersepadu (SPPB).

SPPB adalah satu sistem pengurusan pentaksiran yang berterusan dan menyeluruh bagi semua jenis pentaksiran KPM.

Pemantauan bagi pengoperasian SPPB dilaksanakan menerusi aplikasi *Application Performance Monitoring* (APM) secara berterusan. Hasil pemantauan mendapati terdapat peningkatan akses pengguna sehingga menyebabkan sistem keseluruhan menjadi perlahan disebabkan oleh pembacaan data yang tinggi.

KPM telah mengambil beberapa langkah penting bagi meningkatkan pengoperasian SPPB. Ini termasuk dengan menambah baik dan mengoptimumkan kod pengaturcaraan, meningkatkan kapasiti server dan melaksanakan *tuning* konfigurasi server.

KPM sentiasa berusaha meningkatkan pengoperasian sistem SPPB untuk membantu memudahkan tugas guru selain memastikan kebijakan dan kesejahteraan mereka terpelihara.

Sebarang pertanyaan atau aduan mengenai SPPB boleh dikemukakan dengan menghubungi talian *hotline* +60388843632 atau menerusi ICT Service Desk (ISD) <https://isd.moe.gov.my/>.

-TAMAT-

**KEMENTERIAN PENDIDIKAN MALAYSIA
11 JANUARI 2024**